

《觀無量壽經》大意補充講表

附表一：

◎增長對淨土法門的深信切願之心

《八大人覺經》云：「第五覺悟：愚痴生死，菩薩常念，廣學多聞，增長智慧，成就辯才，教化一切，悉以大樂。」

※《阿彌陀經要解》云：「《占察》謂雜亂垢心，雖誦我名而不為聞。以不能生決定信解，但獲世間善報，不得廣大深妙利益。」

《徹悟禪師語錄》云：「與其夢受娑婆之極苦，何若夢受極樂之妙樂！況娑婆之夢，從夢入夢，夢之又夢，展轉沈迷者也。極樂之夢，從夢入覺，覺之又覺，漸至於大覺者也。夢雖同，所以夢者，未嘗同也。」

《靈峰宗論》卷第二之四云：「夫依對待而論，娑婆活計，添夢者也；求生淨土，醒夢者也，不可不求生也。依絕待而論，惑業感於三界，惡夢也；念佛生於淨土，好夢也，亦不可不求生也。」

◎甲、易憶念佛的功德與相好，與西方依正二報莊嚴種種的殊勝。

※《佛說觀無量壽佛經》云：「若欲觀觀世音菩薩者，當作是觀。作是觀者，不遇諸禍，淨除業障；除無數劫生死之罪。如此菩薩，但聞其名，獲無量福，何況諦觀！」

又云：「但想佛像，得無量福，況復觀佛具足身相！」

又云：「若善男子及善女人，但聞佛名、二菩薩名，除無量劫生死之罪，何況憶念！」

乙、藉由經文的研讀，能對西方依正妙果，生起仰信之心。

《阿彌陀經要解》云：「佛度生，生受化，其間難易淺深，總在於緣。緣之所在，恩德弘深，種種教啟，能令歡喜信入，能令觸動宿種，能令魔障難遮，能令體性開發。」

◎增長對「心作心是」，「一切唯心造」含義的理解。

《華嚴經》云：「若人欲了知，三世一切佛，應觀法界性，一切唯心造。」

《華嚴經·夜摩宮偈讚品》所云：「心如工畫師，能畫諸世間，五蘊悉從生，無法而不造。」

※《維摩詰經·佛國品》云：「若菩薩欲得淨土，當淨其心，隨其心淨，則佛土淨。」

◎三、了解往生品位高下，與淨業行人往生的前因後果。

《佛說觀無量壽佛經》云：「汝若不能念彼佛者，應稱無量壽佛。」

◎蓮池大師於《彌陀疏鈔》云：「託彼名號（西方依正），顯我自心。」

※《占察善惡業報經義疏》云：「諸佛菩薩真實功德，通別名號，並由證真實性，稱性所成緣起作用，能與眾生作增上緣。眾生不了，計有心外佛菩薩名，即為淨分分別性攝。若知名號。是我自心所現相分。即為淨分依他性攝。能于一切時處常勤誦念。勿令間斷，則心不散亂。名為妙止。名號歷然。名為妙觀。便可助顯唯心識觀。兼有滅障勝功能矣。」

乙二、禪淨雙修——永明大師

有禪無淨土，十人九蹉路；陰境若現前，瞥爾隨他去。
無禪有淨土，萬修萬人去；但得見彌陀，何愁不開悟。
有禪有淨土，猶如帶角虎；現世為人師，來生作佛祖。
無禪無淨土，鐵床並銅柱；萬劫與千生，沒個人依怙。